

QVÆSTIO MEDICA

QVODLIBETARIIS DISPUTATIONIBVS MANE DISCVTIENDA

IN SCHOLIS MEDICORVM, DIE IOVIS XXVII. NOVEMBRIS.

M. IACOBO REGNAVLT Doctore Medico, Moderatore.

An Arthritidi Vinacea?

768

RANGIT pars magna hominum quæsitâ voluptate corporis vires & quasi iam tardior prementis lethi necessitas cunctantia vrget fata; luxuriæ supplicia ægritudines creantur, inter quæ Bacchi & Veneris filia arthritis crudelibus excruciat tormentis: periodicus & acerbus est articulorum dolor, ab eorum imbecillitate & superflua humorum redundantia genitus: ad cutem vsque nulla est pars articulationis, quam fluxio non impetat, laxum eius *πλεγμα* spatium, inebriata ligamentorum *ταύρα* substantia, vicina neruorum & tendonum *συνεχέμεται* corpora. Non ab exteriori tantum Palladis arce, sed ab interioribus etiam penetralibus, hepate aliisque locis humor emanat: non semper is frigoris soboles œdematoso tumore puitam redolet, sanguini, bili, melancholico humori suæ sunt vices. Vt eos non idem protulit ortus, sic nec eadem ducunt viæ, per venas, arterias, secundum neruos, membranas, cutim & per occultos naturæ meatus in articulos delabuntur: modò separatim, modò quasi facto agmine cateruatim irruunt mixtæque produnt sui dominatus insignia; atrociora, sed quæ breuiores protrahunt moras, à bilis immani feritate suscitantur, aliorum sæuitia minor, desperationi tamen finitima.

ARTHRITIS proprium cuiusque castigat luxum & iniquiori sorte flagella conuertens, quod deliquere parentes in filijs plectit, omnibus anni temporibus reuiuiscit, *τὸ ἴσος καὶ τὸ φθινόπωρον* magis, quamquam hoc, ischias frequentior: si redeat, dolor, ni redeat, timor affligit: inflammata febrem accendit & quadraginta dierum ætate prouecta *ἀπὸ καὶ ἡμερῶν* in iuuenes quàm in senes sæuire sæpius ne credas licetque sit *ἐν γέροντι*, vix in senectâ definit: per initia faciliior, sed cum horrida tophis (in ischiade minimè insolitis) peruersam figuræ constitutionem membro inuexit, levis est aut spei aut remediorum locus: quot nocere valet partibus, tot nominibus insignitur, *ποδάγρα, ἰχίαι, χυδαί, ἀρθρίτις* vna est eademque fera sed varijs in sedibus funestas rabiei suæ faces exerens: plures generis nomine comprehensæ notantur species. Quantumvis misera sit mortalium conditio, omnes articulos simul infestari ferè non deprehendes.

ARTHRITIDEM robusto & benenato homini indecoram curare cum adest, arduum, propulsare cum imminet, prima sapientia. Vis igitur ab illius iugo liber euadere? esto imprimis impiger ad laborem, qui non minus articulos firmat, quàm vel cogitatio mentem, vel cibis & somnus viscera corroborant. Frequens equitatio nocet, maximè ischiadi, quâ ne Scytharum exemplo absolui speres, venarum quæ ponè aures sunt sectione, quod etsi tibi contigerit, sterilitatem ne verearis. Non satiare cibis, euchymos elige & ita regnatix temperantia *μυοπληγῆς* arthritides, etiam confirmatas plerunque sola persanabit, hinc magnum, sed durum nimis remedium egestas: procacium turpe eunuchorum & menstrualium imbelles foeminarum genus effrænata viuendi licentiâ mendacem, qui mentiri nesciuit fecit Hippocratem. Non te delectet vinum meracius & quamuis affusa frigida podagræ dolores confopiat, æstiuis temporibus in niue aut glacie quæsitum vita refrigerium. Fructus quos prudentissima morus attulit laudamus, in eius tamen sterilitatem frequentes Pythermi temporibus podagras minimè reiiicimus, celi potius accusamus inclementiam. Aeternum cum venere *καὶ ἐπαυξάνῃ νόσος* inimicâ statue diuortium.

CUM natura viam sibi truit, quâ humores in articulos detrudat, in meliorem non faciliè reduces. Aegrius eiicitur, quàm non admittitur hospes. Falsum vulgi commentum in arthritide Medicos cæcutire, opprobrium in mali perniciem, non in artis inscitiam refundendum: imbecillas articuli vires refocilla, superuacaneam humoris redundantiam expelle & magnus eris arthritidum domitor: non arma defunt, alterantia & euacuantia natura passim suppeditat. Celebrata *κατ' ἴξιν* phlebotomia plethoram minuit & sola morbum quandoque soluit, nec cum humor è venis fluxit, ad causæ etiam coniunctæ amotionem videtur inutilis, verùm in ægri commoda peccabis, si semel tantum ad eam confugas. Dum extra vasa sub cute fluxio repit, pyrotica tunc potiora, quancunque verò sectetur viam, prodest analoga humori vitioso catharsis: melicratum origano medicatum, ligni sancti & clematidis barbaræ decoctum serosis obesorum superfluitatibus expellendis, laconicum euocandis summopere conducunt. Balneum non probamus, febricitantibus tamen arthriticis salutare. Lac asininum visceribus familiare neoterismum procurat. Sæuitia morbi nihil intentatum relinquens, in ossibus quoque humanis solatia inuenit. Suus est topicis locus, *ἀνωδινὸς ἀπὸ καὶ ἰχίαι* (ischia di noxiis) *ἀρθροειτικὸς, πόστικος*, quod pluribus vnum affine scopis, cò præstantius.

VINACEA solidæ sunt, quæ multo expresso sub prælo gemuerunt vuarum reliquias, *σίμυλα* nominantur: membranofum acini tegumentum, sarmenta, nuclei, caro & quicquid *παρεσπαμένον* superest liquoris ad ea pertinent: liquoris & carnis tenuem substantiam benigna caloris & humiditatis suauitas regit, cæterorum materiam crassam frigus & siccitas occupant: vbique tamen actualis regnat conceptus solaris feruor, donec tandem vetustate contabescens exoluatur. Incredibiles eorum quis non stupebit vires? omni profunt intemperiei, tumidis, extenuatis, obstructis & solutis pariter vtilia, solidioribus corporibus partem imbecillam adstrictione corroborant, mollioribus verò & liquidioribus excrementorum onere pressam dissipatione subleuant: sed calidis, siccis, scirrhis minùs, frigidis, humidis, œdematosis magis in torculari comprimantur. Dulcia & vinosa austeris, acerbis acidisque præcellunt: à multo recentia dum incalcescant stragulis operiantur, serobem excaua, membrum arthriticum quoties & quandiu par est inferre, & votis respondebit euentus.

Ergo Arthritidi vinacea. 215.

Proponebat Lutetiæ LVDOVICVS RENOVARD, Lexouæus. A. R. S. H. M. DC. XXXI.

DOMINI DOCTORES DISPUTAVRI.

M. Petrus Hommetz.

M. Iacobus Regnault. Præses.

M. Nicolaus L'Anglois.

M. Claudius Chrestien.

M. Renatus Moreau. Decanus.

M. Dionysius Allain.

M. Guillelmus Du Val. P. R.

M. Gasparus Brahier.

M. Nicolaus Henault.

